



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Doctor Mellifluus S. Bernardus Magnæ Matris Cultor
Eximius, Et Ex Ordine Sancti Benedicti Sacellanus
Quartus. Sive Ea quæ Doctor mellifluus de laudibus
Virginis Matris scripsit in gratiam magnæ ...**

Bernardus <Claraevallensis>

Nevhsii, MDCLXXV.

Homiliae IV. Praefatio.

urn:nbn:de:hbz:466:1-37156

S. P. BERNARDI ABBATIS.

De laudibus Virginis Matris, super verba Evang.
Missus est Angelus Gabriel, &c. Luc. 1.

HOMILIAE IV.

PRÆFATIO.

Scribere me aliquid & devotio jubet, & prohibet occupatio. Verum tamen quia praevediente corporali molestia, Fratrum ad praesens non valeo sectari conventum: id tantillum otij, quod vel mihi de somno fraudans in noctibus intercipere sinor, non sinam otiosum. Libet ergo tentare id potissimum aggredi, quod saepe animam pulsavit: loqui videlicet aliquid in laudibus Virginis Matris, super illa lectione Evangelica, in qua, (Lucâ referente) Dominica Annuntiationis continetur historia. Ad quod sanè opus faciendum, etsi nulla fratrum (quorum me profectibus deseruire necesse est) vel utilitas moneat: dum tamen ex hoc non impediatur quoad quæ, ipsorum necessaria minus paratus inveniar, non arbitror eos debere gravari, si propria satisfacio devotioni.

HOMILIA I.

Missus est Angelus Gabriel à Deo in civitatem Galilæa cui nomen Nazareth, ad virginem desponsatam viro, cui nomen erat Joseph, de domo David, & nomen virginis MARIA, Luc. 1. Quid sibi voluit Evangelista, tot propria nomina rerum in hoc loco tam signanter exprimere? credo quia noluit nos negligerter audire, quod tam diligenter studuit enarrare. Nominat siquidem nuntium qui mittitur, Dominum à quo mittitur, Virginem ad quam mittitur, sponsum quoque virginis